



國家清史編纂委員會·文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 三五

竹雲堂稿十二卷（文集八卷詩集四卷） 沈宜撰

艾陵文鈔十六卷 雷士俊撰

浮山文集前編十卷浮山文集後編二卷浮山此藏軒別集二卷 方以智撰

一

二二五

四〇一

光緒乙未仲夏重鐫

竹雲堂稿

較對無訛

竹雲堂稿
文集

竹雲堂稿

竹雲堂稿續刊序

曩閱孝感縣志見藝文中有大悟沈先生記文氣優淫於古竊企慕焉及門沈子佑之邑人也詢之乃知其八世尊屬且言著述甚富今散佚刊存者無幾矣今夏乃鐫其詩文集以來因舊板漫漶將重付手民囑爲序余循誦終篇嘆其醞釀之深也夫文章藝事耳然非天才卓犖又沈酣於古籍歷練於人情必不能極其至今夫滄海之大浩乎其無津涯溯流而上則江入之淮與河入之而若沮

竹雲堂稿

卷一

序

漳若漢沔若泗沂若汝若濟若汶若涇渭漆沮伊落瀍澗諸水皆匯之渾七泡七流衍數千里然後鍾爲巨浸非斷港絕潢所能學而至焉者也夫文則何以異是太史公曠世軼才而身爲刑僇其先世主天官而父子相續罔羅散失紬石室金匱之書又周行天下覽四瀕名山大川與燕趙豪俊交遊故發爲文章疎宕有奇氣今大悟先生所遇與司馬氏略同其文氣亦同卽旁溢爲詩亦所謂讀破萬卷下筆有神者後世承學之士尤宜藏之名

山傳之其人豈獨爲沈氏之家學也哉佑之爲余壬午分校所荐士好古而文能世其家雖東坡恨失方叔竊謂於斯道終有得焉余雖老矣猶將拭目俟之

光緒二十一年歲在乙未仲夏既望

蜀南後學肖巖傅光弼頓首拜撰

竹雲堂稿

卷一

序

二

卷一 序

賀宜撫李公陞總督序

又

別馬仲常序

祝丁翁八旬序

沈恒文四旬序

劉孺人七旬序

蔡母錢孺人六旬序

李長吉集序

孝威縣志序

白營丘閩遊草序

梁君壽詩序

蓮社序

卷二

張貝澗南遊序

耿簾伯詩序

竹雲堂稿

卷一

一

恒文詩序

楊次孟詩序

程石野詩序

吳叔向詩序

吾康侯卷序

草色軒詩餘序

金簫引詩小序

先大夫疏草後叙

永思堂詩叙

伯兄茶菴詩集叙

經史鼓吹自叙

函雅自叙

玉燭長編自叙

稅古堂鈔自序

楚聲自叙

出塞詩自序

西覽詩集自序

詩廉自序

燼業詩自序

卷三

瞽睽殺人論

征誅論

金樞盟論

智愚賢不肖論

卷四

竹雲堂記

黃陂修城記

稅古堂快書自叙

血流漂杵論

楫讓論

漢唐宋功臣論

三山遊記

遊青雨巖記

竹雲堂稿

卷一

岐樹里記

白雲山記

卷五

鴻門之會辨

駁世史類編上篇

誌義

古桐琴說上

讀荆軻傳

擬東漢冊著頭子密文

石友圖記

陳橋兵變辨

駁世史類編下篇

清白罪案說

古桐琴說下

讀韓昌黎文

舟子話廣昌事

迎猫文

廣昌庫之鼠

卷六

孝義傳

酒佛傳

瘞瘡募緣疏

祭楊封翁封母

祭尹封翁封母

卷七

哀雞文

郭節婦傳

雙菊傳

祭楊忠烈公暨夫人

祭楊蜀亭先生

祭夏母傅孺人

竹雲堂稿

卷一

謝李制薦啓

小啟

答汪御史

中秋上常鎮道

請典廵道

候趙探花

代候房師

迎任知府

答安陸推官

迎李按院

迎楊學院

候常鎮道

請周守道

請王學道

答申掌科

請劉知府

答楊通判

請程縣官

答三縣

小啟

請傳大司農點主

李家答聘

修志告成上本縣張公

答邑侯請入城

鄉賢十二家合請張邑侯

卷八

與王推官

與王按院

寄張廣陽

上趙總憲

與范戶部

辭餘姚令

與耿簾伯

上張按院

竹雲堂稿

卷一

四

又

與賀巡道

又

與胡內翰

答郭通判

與劉麟伯

與劉子韜

與桂世叔

答劉祚昌

寄夏先生

與夏振叔

又

與宋通判

寄傅先生

與胡黃治

與魏疎菴

與李知府

答楊我則

竹雲堂稿

卷一

五

與陳作孚

寄楊滋嚴

答鄭先生

與王巡按

寄蔡公述

寄夏振叔

寄王知府

與張公選

答鎮江鄉紳

與趙景之

答淮安通判

答耿玉齊

答申孝廉

與張知縣

答龔孝升

答殷義卿

答耿玉齊

答耿簾伯

與李文孫

寄許漱石

上秦按院

寄蔡公述

寄程端伯

與劉知府

與程子昇

文章載道也明道在讀書配道在養氣韓歐蘇曾諸公道足於已故其言光猷萬丈亙古常新今人束書不觀骨輒如醉惟摹遷固數十油調與紅勒奇字便握三寸管以媚王公而諛墓中人道安在也宜不轉瞬而覆轡輒矣潤司李沈君大悟骨鯁人也直慙不能事上官屢掛吏議瀕於死者數次讀書數萬卷雖顛沛之際亦不釋手余友宋九青深許其爲人今秋枚以所著竹雲堂集乞余序

竹雲堂稿

卷一

序

余老悖偷活何足與論文顧以沈君直道不容知其文之必能載道也取讀之字研句鍊骨勁氣渾合韓歐蘇曾諸公並歸鎔冶其峭削處多似柳州非讀書十年養氣十年者不能爲此九青曰柳州附叔文見譏大雅大悟何爲類其文予曰王文成嗜蔡京書文成人竟何如沈君守道甚力雖死不易殆磨不磷涅不緇也子厚何傷乎使子厚而在予將勸沈君與游乎愚谿馬退之閒矣

江左梅村吳偉業撰

序

邑沈氏世族也搜家乘得其先世大悟先生所著竹雲堂集余知先生久矣昔於友人處見先生所修邑志殘本體例謹嚴序論奧古每思讀其全集不可得後邑令梁公鳳翔續修邑志所託非人乃盡刪前序論而易以庸惡蕪穢之辭舊志遂燬不復見予嘗恨段文昌不知世閒羞恥事而嘆先生之文字被湮爲可惜也今不自意獲睹斯集集凡數百首上有吳梅村祭酒一序其文之詣極典序

竹雲堂稿

卷一

序

言之詳矣非後學所能贅贊顧有可得而言者先生七鼎革之際維時有所謂侯陳方冒四公子者皆以貴介能文章藻耀一時而侯氏壯悔堂集且傳誦人間敝齒頰矣先生爲炎洲少宰子生與同時門資亦略相等顧不自標揭藏此垂二百餘年煌七鉅製反不得如陽五伴侶快意目前今雖行世不已晚與予謂此不足爲先生惜也秦彝漢鼎當其初出於治世未必遂相寶重也迨塵埋砂蝕於百千年後一旦因緣際會發而出之識者見其

銅花土暈班駁陸離相與嘆息摩娑謂非神物呵護不克致此於是朝享而廟薦之唯恐不及蓋鬱之人則其發之也愈光得之遲則其行之也必遠先生之文之在今日蓋亦土暈銅花之候也其可寶重豈待言哉往時吾邑達官貴人由科第起家者多有文集遺後顧皆制藝近體鮮爲古文者後生輩相率進塾益以此道非舉場所需更不置念今得是集刊而行之筆琶笛阮之鄉知猶有物名五絃玉軫者在焉有抗希者可不事遠求而得牙

竹雲堂稿

卷一

序

三

襄於百里之內亦邑人士之厚幸也與予喜酬夙好因謬附數行於吳序後使他日誦斯集者知嚮慕先生自余始抑又有說焉昔歐陽公得昌黎集於李公佐家讀而好之後遂以文顯故世謂人之於藝有其好之終必能之予始束髮卽愛讀古文詞自唐宋諸賢專集外道途所見古碑斷碣文苟可誦靡不剟剔苦辭口熟而腹識之所鑒取者則先生斯集也然濡禿毫臨短紙竟不能爲其隻字者抑又何邪

後學西峯李曾馥頓首拜撰

湖廣通志 文苑傳

沈宜字大悟孝感人由明經仕至鎮江推官讀書自經史子外旁及內典叩之娓娓不窮詩宗唐人兼工尺牘弟完諸生亦有文名

孝感縣志 文苑傳

沈宜字大悟吏部左侍郎惟炳子幼穎異絕倫日誦數千言歷人不忘從兄方以慧稱誦文選三月卒業宜以一月竟聞者咋舌竟陵譚元春宜伯父惟耀密友也嘗至惟耀家出宜示之元春令默書

竹雲堂稿

卷一

傳

四

江海二賦不詭一字因摩其項曰此希世寶也吾目中無兩矣年二十餘淹貫二十一史於宋金元尤精隨父宦京師得讀大藏經後叩之娓娓不窮工古文取材班范參以唐宋諸大家其筆力堅峭奧古多似柳子厚至江左以文就正於吳祭酒偉業吳謂其字鍊句鍛骨勁氣酣合韓柳歐蘇歸於鑪冶作序還之屢試鄉闈輒顯由歲貢考授鎮江司李奇溧陽馬世俊才令人暑讀書數年教之如子弟段後世俊爲作傳備述待已恩性伉直不能

尊若少宰公虞其直也醮之以婉中歲其仲兄員
嶠公虞其拙也醮之以通而先生偏得其性之所
近卒坐此淹蹇以終世先生曰造物豈相厄哉拙
直厄我耳因以拙直先生自命先生姓沈名宜字
在甫別號大悟少宰公三子也其先世爲金陵人
自始祖徙居孝感至先生八世先生生而抗讎不
能骫骳屈曲諧人意弱冠學爲詩古文辭雖耆宿
無不推轂先生者昔中丞梅公之煥篤愛先生文
云酷肖子瞻試輒高等食餼領歲薦癸未冠燬家

竹雲堂稿

卷一

傳

五

屈事上官以爭疑讞罷歸杜門著書數百卷詩宗
唐人兼工尺牘有竹雲堂稿臥紫山房文集讀書
雜辨玉燭長編稅古堂鈔稅古堂快書及出塞詩
西覽詩燼業詩楚聲函雅等集順治己亥知縣張
公擢士聘宜與夏煒楊洪才同修縣志今尙有存
者子岐昇字曉嵐歲貢生工詩有集弟完字无咎
諸生有文名雍正初舉孝廉方正

拙直先生傳

拙直先生者嶽崎磊落魁梧岸異人也髫年時其

避亂黃陂孝威山中而思親情迫獨身省少宰公
於北順治元年授先生宣府推官宣雖邊鎮視他
省會城設督撫按鎮各一都司一營五監司四知
通判八分治八路而李職於督撫按鎮餉部各道
屬協路事皆得問一應官評吏治軍實民暑先生
皆應手而解無留滯執法不避權貴理冤雪枉人
誦其神督撫按視若左右手各衙門旗牌承舍無
不人人惴恐望風采避去宜故邊地氣栗烈先生
衣棉楮出關總鎮王應暉見其單寒爲製貂裘一

竹雲堂稿

卷一

傳

六

土豹裘一欲以贈先生三持及門卒不敢贈而返
御史張鳴駿特疏題調大同司理部議無列格不
報署理事一月歸宜攝在城同知篆北方徵折色
耗以每兩重一錢爲額重者至二錢以上本色亦
然又斛頭墳起倉粒羨餘例分充道廳道橐先生
盡革去作徵收則例行之吏懦亡不敢犯法而輸
將更速道亦不能靳也先生初下車卽廉得宣府
有屯地荒圯錢糧飛詭之害徭役不均不實之害
總鎮養廉地土累民之害建議清草之先生理宜

凡九月上臺愛之下民尤甚得新舊巡撫首薦二
巡按特薦二總督薦一會臺省缺員吏部題請考
選內外各官乙酉六月三院遂以先生應詔時先
朝崔魏黨人有爲京貴者怨少宰公又聞先生古
執好直言爲將來慮於是糾御史張鳴駿徇情濫
舉而巡撫承意旨誤撰劣狀六款奉

旨革職逮下法司屢訊無狀人咸爲先生稱枉由
是巡撫罰俸先生得還職補杭州司理丁內艱未
任戊子內艱闋將起家謁選而少宰公捐館辛卯

竹雲堂稿

卷一

傳

七

外艱闋壬辰補鎮江推官先生性明敏勤慎不帶
幕賓不假手諸役積月未了之案先生可以一日
決雖退食無不翻閱案牘閱已卽讞堂規嚴肅執
事人鵠立如木吏臧口不敢吐一語堂上下自兩
造質對外但聞塵拂蠅聲哈響相答而已潤向苦
武弁緝盜侵捕廳權多累及無辜通判不敢爭先
牛請以戰守之事專責兵將緝捕盜之事專責府
縣御史秦公如言飭行之自是冤盜稍省當是時
署無宿案訟不淹時民聽質成裏糧計日不愆其

素胥役不得因緣爲姦贖錢準情罪無溢罰潤士
民無不口碑載道而特以執法太清同列忌之歲
時無苞苴貴緣上司惡之而先生遂及於禍先是
先生妻漢陽朱氏女非楚宗人也時明宗人朱盛
濂朱鳳毛起兵洞庭山敗變姓名寓居鎮江而周
福上變告周福者撫標大廳實撫軍耳目也十一
月巡撫檄先生捕盛濂鳳毛次第捕得解蘇州矣
周福又密出袖中數紙株連潤大家甚眾先生斥
之曰此豈撫臺稟耶若撫臺需人更捕未遲福失

竹雲堂稿

卷一

傳

八

意去誣遂先生明宗婿併逮入告十二月奉
旨革職下督撫察奏諸問官心識先生宛然皆憎
先生貧又瞻顧巡撫原疏莫敢爲先生白者久之
移楚臬察得實乃坐先生覺察不早革職嗟乎盛
濂鳳毛匿鎮江五六年先生到任甫五六月坐不
覺察罷將置從前官於何地耶且撫軍方以得盛
濂爲功而先生獨以得盛濂爲罪時頗有爲先生
不平者先生乃巾幅私第口不言冤人有問者但
曰拙與性成自貽伊戚而已先生少時性卞急坦

易不能容物稍長折節讀書取古人懿事手錄成帙以當韋弦久之卞急稍改晚節乃更覺寬緩獨坦易仍舊心口如一待朋友以真接諸弟以友遇子姪以肅而鰥寡孤獨尤曲意衛之先生雖以明經起家然文名噪甚舟車所至請詩文者趾錯於旅館閱諸生制藝衡鑑尤不爽在宜得王天鑑胡以溫魏象升張光烈等皆先後成名進士在潤得名士尤眾陳漁鵠斯皆以甲午舉於鄉自少宰公以清白相貽家無長物卒歲衣食粗蔬朝夕飯脫

竹雲堂稿

卷一

傳

九

栗苜宿一孟冬一炎夏一葛無飲食衣服聲色狗馬之好先人舊業廢失過半室廬破壞僅蔽風雨日夕手一卷吟咏不輟詩宗盛唐而晚年乃更摹元白文類柳州而晚年乃直追秦漢庚子邑候張公聘修縣志先生實主筆焉所著除纂修縣志外有若干卷俱未付梓揆於先生交最久知先生極悉因卽其事而爲之傳

贊曰先生自道曰拙曰直我謂先生可法可則行已有恭居官盡職德備於身義形於色先代典型

斯文羽翼得天者豐取人則嗇繼以忠貞親惟稼穡惕震四知張華博物幹節千尋波濤尺幅有道之士爲天下式

愚表弟程正揆頤首拜撰

竹雲堂稿

卷一

傳

十

竹雲堂稿

沈宜大悟氏著

賀宜撫李公陞總督序

皇帝肇運之元年莽茲宣盜墟也海白李公退而賦閒桑之二章令守道桑一程君以繫臣與公偕謂曰 真人出矣是非所望於李公也笑曰諸葛君愛成都八百桑耳自是程君心獨喜知公無确然之志顧其時

大清初人都泰象始構暨訖未宏方州內外人各有心宜土殘兇坐甲累萬西引雲晉東望漁陽觀

竹雲堂稿

卷一

序

土

時利鈍方將窺左足而前也公與程君奮起南冠中出萬死不顧一生之計不藉偏師不借尺土恃區區忠義以領袖宜人取僞師刈之前為 先皇帝發喪而後為新朝効驅除之力國家是以有宜雲之版霞土賂臣大弗共若職所以蠹賊民甚深公効焉得報下吏渠恃大援介親王以講於公弗得屬親王步師出於宜王震甚將以賂臣去且不得志於公也曰臣法官也忤王肯死威飢法陷王不義死法死愈乎寧死威卒執不撓王亦不能

有加於公已而狀其事聞於朝

天子曰異優

旨徵入覲賜清問尋械賂臣及左右王者屬之司寇論如法錫公黃金廐馬恩遇有加等大官日繼廩肉當是時公直聲動天下將不次用之會西陲新定人心業業廷臣難其任也 天子曰汝鑑汝長御史其往督師維是三晉宜雲諸文武吏士悉節制之晉階少司馬出是官也 天子是以

無西顧之憂居有頃妖黨匪茹為不道羣不逞附之如夜虫之就火焉擱然授兵相見朔州城下朔

竹雲堂稿

卷一

序

土

城門晝閉羽書日幾輩至議者謂雲兵單弱請俟禁旅至可捷有功公曰朔擊折聞於雲距京師七百里而遙比奏至不半月不出師又如如是而至賊勢成矣即一旦烏舉度關內如影不可復搏是流賊之續也以眾不如賊以畧不如我不介馬而馳之數戰妖黨殲焉三雲是以蒙再造之安今年夏守道程君巡道賀君懷隆道楊君蔚屯道林君以歲事輯轂於上谷之驛而宜亦以下執事與跡焉朔州凱至諸君子甚欲賀李公賀君問曰公

孰與竇融祭遵優程君曰忠一也公似優融出河西於握公取宜府於盜才勝也遵伸法於舍中兒公伸法於王叔父執勝也雖然公不際 聖明豈有幸哉世間才人多矣展者幾何執事多矣伸者幾何元時行省平章事盡委聽於其族立賢無方未之前聞也所以有才之士亦掩抑自閉而不肯爲之用今之督撫元之行省平章事也李公羈旅歸國設遇元世祖且束之高閣俟天下平時徐付之銓曹品其高下累官故不失州郡佐耳今公

竹雲堂稿

卷一

序

十三

朝作撫幕作督矣於惟天子用人之宏也錄人之速也惟其才不惟其舊也朔州之寇雖疥瘍不足比數然惟國家能用公之朝氣故公亦以朝氣報國矧斤新觸無留刀耳明良之會千古一時寶融祭遵豈足道者於時不佞宜厯階而升曰甚矣諸君之善頌也頌李公不爲比頌 天子不妄規宜聞之長者賦賤者籍宜於職爲賤請籍諸君之說以告於李公曰 聖天子在上公不得爲八百桑之主入矣

又賀總督李公序

古賢大夫有功德於其治而一旦超擢以去也鄉長老類得援借寇故事叫闕卽人主亦每以牽衣之戀俯而徇赤子之情乃若位益尊轄益廣權益重未嘗不泄吾地而實已去吾地則父老之愛戀雖殷而攀留之言始囁嚅而不能出諸口今年天子修啟土功於是我中丞李公晉階少司馬仗節開督府雲中道里均也宜父老聞之始而賀繼而戀既又不勝其私也猶欲疏其私叫闕至訟言

竹雲堂稿

卷一

序

十四

而議於市野人邇謂之可行君子法謂之不可野人曰無損於陟而移督撫於宜必得請君子曰宣則實冗督而督則遠雲晉必不得請議相悟不決予聞之進父老謂之曰咨汝眾而謂李公才僅耳若撫乎而謂 天子明肯西老公乎蓋留公者狹公而爲天下者不顧一隅也夫且三垂之不能久有公而何有於宣父老聽然悟爽然失也公轂乃得無輒蕭蕭馬鳴煌煌旆旌山川逶迤甲帳如雲臥轍留連載馳載奔我公曰西悠也我心已而

宜及二三同官亦不勝情也至瞻望弗及猶立馬阿丘日西夕不能去御者曰暮矣歸哉宜曰公去矣吾奚歸曰易賀諸公介矣吾奚賀曰子學爲古文辭有年矣辭焉可公之功程賀四君子言之詳矣吾奚述御晒曰固矣哉沈子讀古人書而未之聞耶太上立德其次立功四君子功公哉未及德也詩曰蔽芾甘棠勿剪勿伐德召公也又曰是以有袞衣兮無以我公歸兮德周公也古之人留賢者而不可得類編其德音垂之不朽前日攀轅之

竹雲堂稿

卷一

序

十五

戀歷匕在目李公之德在宜如周人之戀且奭焉繩之以賀將毋可曰不入奈何御曰賀公匕不有也賀國公不得辭也何言乎賀國夫以光武之聖寶融之順而璽書之下河西乃在建武四年之冬今大清人主中國不盈旬日公首起上谷剪除其荆棘以爲國奔走疏附之臣知興之哲捷若桴鼓國無寸矢之費宜免後至之誅微德宜其從公而東乎不必賀公之忠哲遠過寶融而賀國家之威靈軼東漢上也夫勞國勞也德曰德也公安

得有之而安得辭之予撫案大快曰御起我御起我乃得與同官某某拜首而進曰賀宜府之有成烈也賀三邊之得賢督也賀國家之得賢臣也公爲國家受之可矣朝廷方側席遲公以千百年之計其在今日則猶千里之托始也俟千百年之績成而後爲公賀

京口別馬仲常序

昔蘇源明語人曰僕不幸生於衰世所不恥者識元紫芝惟宜亦不幸作理潤州所不恥者與馬仲

竹雲堂稿

卷一

序

十六

同官耳兩人德相懋職相勗交相歡也已皆不得良去夫予則何惜獨惜仲常仲常非半刺才也令受千里生民之寄問疾苦課生遂取風俗而更易之遊刃哉屈之氣東諸侯使鑣鑰滄溟也海若一揚波而白簡隨其後夫才有長短時有利鈍勢有難易或畧瑕而取瑜或因敗以爲功屑匕用例者奚足以盡用舍之宜也課陳仲舉以掃室之能不如清人之善也問管夷吾以三北之故無解於失律之羞也壯夫失路後效未形成敗論人塵埃難

難辨亦誰克預識管夷吾陳仲舉而保其必可用者京口雖建業東門屬江海之際大小沙以下鯨波萬頃兩岸不相望海防轄百十老家兵又暮布沿江各戍自海汎初傳君便移填圖山日討軍實而申儆之顧艤艤朽落甲伍晨星精衛難填東風頗競休沐拊心惟有長歎父老曰 聖天子在上明公卿在外豈其使人於不守之地而復議之耶周孝侯斬蛟信自健然一蛟敵也且佩以長劍繫以精蠟水戰三晝夜僅乃勝蛟設祖孝侯龍門

竹雲堂稿

卷一

序

七

之津而責之曰汝毋縱羣蛟過龍門一步也必無幸矣防海一儒臣其不能橫鐵鑊蛟人之窟亦猶是也而枋頭之敗遂坐鄧遐渦陽失利遽允紹宗今海防則爲地方受過矣顧歲安得如許海防主任是過者父老惋慙輟市欵獻曰 聖天子在上明公卿在外而使馬君竟坐此過以相及也於是萬眾譁呼詣操撫中丞臺請曰丐公一言還我馬君中丞亦相顧扼腕然後知才有長短時有利鈍勢有難易例與法之不足盡天下才如此也賴

國家寬大重念海介勞臣鐫秩以俟後補桑榆之收豈緊無路感慨太過亦足損人之志氣行矣勉旃勿自隕也下澤風多羊腸路雜九關虎豹蓉影秋江我輩之命本不如人春夢奔波嘆何可盡人生於地上寄也姑謀樂乎毋爲自苦值此紛紜便成不易安知來者不甚於今眼際輒軻何必非福也予屬第五沉誣尙羈對簿而君又以孟明垂翅新錄殺青攬袂蒲陰逝將遠別念君之切殆不能西人過終年離懷作惡況此寂々分手耶雖然名

竹雲堂稿

卷一

序

六

途少年驕語巧宦千里生民之寄故當不及老臣一日綜核名實君那得保此寂々顧人不長羣素交難得別無贈語何取相思人臣報主期在盡職處士投林貴於立身何隱何見何升何沉眼界欲寬脚跟欲定勿以失意而悔生平宜也向晤紫芝名利頓盡今與仲常勉之而已遂別

附詩話

書序既畢覺墨酣筆飽腕珠欲流顧侍兒取去年贈馬君詩附之卷侍兒曰不能更作詩

耶予曰可爾遂起依句云離合本無端詩文亦何用要使良友名留作千秋重方吟思未屬忽有鮑鱗魚者予輟筆大喜魚乃解我圍趣侍兒烹鱸毋困乃公爲也既咽呼前稿續之侍兒曰郎興盡勿復爲煩予笑曰奴真可置之

祝丁翁八旬序

在昔丁公之牧我忻州也不佞某實階公虞坂之顧因得騰驤其逸足奮鹽服而鳴於晉乃公則時

竹雲堂稿

卷一

序

无

時談其太尊人之賢也蓋公之治忻州者多得之過庭之訓云今年公掛舲一帆船釣中冷夜月某再得奉色笑語次出一柬則其太尊人八袞壽啟也某受而讀之既卷嘆曰世間之稱爲福而最難得者莫如壽而壽之所上期又莫如名成利遂而如其願以老夫如願不易言而亦易言也四民之職既不克自盡而命數豐嗇又不能操券以取役七焉勞精疲神以奢覲非望百年之內曾不得一日之暇始至老狀婆娑髓枯漏盡稍寤息肩而隲

景難追來日苦短矣又況名利之場有斧鋸焉以之賊人行自及也終日攘匕願固無足時而壽之理已戕過半焉以公言太翁識最高願最易足學書不效壯齒明農何其智也不好事家人生產而急戚友之急何其仁也爲閭里排亂解紛而不尸其德何其俠也是以未展之效食報於公而義方之教乃出而大造我忻人也暨乎天步艱難仕途綦棘忻大夫之績不最於朝而半刺史以率鄴陽之許也公自是付理亂南陔外矣翁固謂武林之

竹雲堂稿

卷一

序

干

外可以棲遲采薇采薇可以樂饒白雲在山娘隅在池陶斯泳斯樂且忘疲人生幾何去日如馳時哉時哉名利可爲而不可爲若乃鏡破艾年朱絃不續亂離失業高詠忘愁豈獨達養生之至理庶幾哉君子之居易矣翁願不奢則造物易給而忤求之念不生我既取寬舒之途徑以樂我天年而世亦報神聽之和平以厚我陰德是從前之歲月實爲翁有而不復役於無涯之願想也聞翁矍鑠善飯蠟屐手一筇登兩高三竺之上軒舉似少